



Br: 02-02-2-314-2/25

Sarajevo, 21.3.2025.

N/r direktora

PREDMET: Poziv bh. kompanijama za učešće u posjeti Međunarodnom sajmu dizajna interijera i namještaja INDEX, Dubai, U.A.E., 27-28. maj 2025. godine

Poštovani,

Vanjskotrgovinska/ Spoljnotrgovinska komora Bosne i Hercegovine organizira **posjetu bh. kompanija Međunarodnom sajmu dizajna interijera i namještaja INDEX, Dubai, U.A.E., godine**, koji će se održati u periodu od **27-28. maja 2025.**

INDEX je vodeći sajam dizajna interijera u regiji MENA (zemlje Bliskog Istoka i Magreba). Sa tradicijom dužom od 30 godina, INDEX je postao istinski globalni događaj za povezivanje dobavljača, brendova i proizvođača sa ključnim kupcima i donosiocima odluka, te tako predstavlja „kapiju“ za tržište cijele MENA regije. INDEX je vrhunsko mjesto susreta za industriju dizajna interijera i opremanja objekata, budući da se u sklopu sajma nalazi i segment hotelijerstva, kao i uredskog namještaja. INDEX predstavlja raznoliku paletu proizvoda, uključujući namještaj, kuhinje i kupaonice, podove i površine, dizajn i opremanje, dekor, osvijetljene, IT rješenja itd. (<https://www.indexexhibition.com/>).

INDEX je prošle godine okupio preko 900 izlagača i 33.000 posjetilaca, te preko 100 eksperata iz industrije koji su držali predavanja o aktuelnim temama i trendovima. Sajam se održava na premium lokaciji u prostorima Dubai World Trade Centre.

Cilj posjete koju organizira VTK/ STK BiH je podrška bh. kompanijama iz oblasti namještaja kako bi ostvarile direktne kontakte sa potencijalnim kupcima i upoznali se sa poslovnim mogućnostima na tržištu MENA regije. Posjeta će biti organizirana za grupu **od 5-10 bh. kompanija** koje se prijave na ovaj poziv i budu odabrane u odnosu na kriterije iz poziva. **Fokus je na kompanije iz sektora namještaja i opremanja interijera** koje imaju razvijen brend, vlastiti dizajn i veliko iskustvo u izvozu na razvijena tržišta Evrope i svijeta.

Organizator VTK/STK BiH će svakoj odabranoj kompaniji osigurati **novčanu subvenciju u iznosu od 1.500,00 KM sa uključenim PDV-om**. Subvencija se može koristiti za pokrivanje troškova putovanja za predstavnike kompanija i sl. troškove koji će se detaljno definirati ugovorom između VTK/STK BiH i svake kompanije - učesnice.

BH. kompanije same snose **troškove putovanja za svoje predstavnike (avio-karte, hotelski smještaj, loko-troškovi)**, s tim da će dio troškova moći pokriti iz subvencije VTKBiH.



Posjeta bi se realizirala u **prva dva radna dana sajma (27-28.5.2025. godine)**, što uključuje:

- okupljanje svih učesnika na sajmištu,
- zajednički organizirani obilazak sajma sa vodičem,
- samostalne obilaske potencijalnih partnera i održavanje sastanaka, te
- završni sastanak tima VTKBiH i učesnika delegacije radi evaluacije rezultata posjete sajmu.

Pravo za učešće u ovoj aktivnosti imaju:

- Firme registrirane u Bosni i Hercegovini sa iskustvom u izvozu namještaja,
- Firme koje imaju jasno definiran i prepoznatljiv brend,
- Firme koje su aktivni članovi VTK/STK BiH (redovno izmiruju obaveze plaćanja članarine – eliminatoran kriterij),
- Prednost imaju firme koje koriste održive sirovine i procesne metode,
- Prednost imaju firme koje trenutno imaju značajne dugoročne poslovne aranžmane u EU i traže prilike za plasman na nova tržišta,
- Firme koje mogu osigurati najmanje jednog predstavnika/ donosioca odluka sa znanjem engleskog jezika za učešće u delegaciji.

Selekcija učesnika:

Zainteresirane kompanije koje se prijave do naznačenog roka, bit će rangirane prema gore navedenim kriterijima učešća. Firme koje uđu u uži izbor bit će kontaktirane i, po potrebi, projektni tim će tražiti dodatne podatke (npr. fotografije proizvoda) i/ili organizirati posjetu firmi.

Original Prijave i četiri primjerka popunjenog, potpisanog i pečatom ovjerenog Ugovora o reguliranju obaveza potrebno je dostaviti na adresu:

Vanjskotrgovinska komora BiH, Branislava Đurđeva 10, 71000 Sarajevo, sa naznakom: **PRIJAVA ZA INDEX 2025.**

Prijavu učešća, kao i potpisan Ugovor o reguliranju obaveza u posjeti sajmu, molimo dostavite i u elektronskoj formi (skenirane) na e-mail adresu lejla.mededovic@komorabih.ba.

Rok za prijavu je 8.4.2025. godine. Kontakt osoba za dodatna pitanja: g-đa Lejla Međedović (033 566 231).

Za organizaciju posjete sajmu INDEX 2025 potrebno je imati najmalje 5 prijavljenih i kroz selekciju odabranih kompanija, u suprotnom VTK/STK BiH zadržava pravo otkazivanja organizacije.

S poštovanjem,



- Prilozi: 1. Prijavni obrazac
2. Ugovor o reguliranju obaveza